

შპს „მარცვლეულის ლოგისტიკის კომპანია“



ცენტრის ბალანსზე რიცხული 3 ერთეული ავტოსატრანსპორტო საშუალების
ტექნიკური მომსახურების შესყიდვის
გამარტივებული ელექტრონული ტენდერის
CPV 50110000

სატენდერო დოკუმენტაცია

(დაფინანსების წყარო: საკუთარი შემოსავლები)

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე.

ქ. თბილისი

2016₁წელი

ს ა რ ჟ ე ვ ი

1	ინსტრუქცია ტენდერში მონაწილეთათვის	3
2	შესყიდვის ობიექტის ტექნიკური დავალება	3
3	მომსახურების გაწევის ვადა და ადგილები	4
4	მიღება-ჩაბარების გაფორმების წესი	5
5	ანგარიშსწორების პირობები	5
6	პრეტენდენტის მიერ სისტემაში ასატვირთი მონაცემები	5
7	სახელმწიფო შესყიდვის შესახებ ხელშეკრულების პროექტი	6
8	<u>დანართი №1</u>	11
9	<u>დანართი №2</u>	იხ. პრეისკლრანტი
10	<u>დანართი №3</u>	12

1. ინსტრუქცია ტენდერში მონაწილეთათვის

1.1. სახელმწიფო შესყიდვა ტარდება სახელმწიფო შესყიდვების ერთიანი ელექტრონულ სისტემაში (შემდგომში - სისტემა).

1.2. სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე.

1.3. ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.4. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.5. სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.6. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულებების დადების მომენტისათვის დაზუსტდება სატენდერო წინადადების შესაბამისად.

1.7. პრედენდენტს არა აქვს უფლება წარმოადგინოს ალტერნატიული წინადადება.

1.8. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, მისამართზე: თბილისი, ახმეტელის N10ა საკონტაქტო პირი: კახაბერ იოსელიანი ტელ: +99577 670 502.

2. შესყიდვის ობიექტის ტექნიკური დავალება

2.1. შესყიდვის ობიექტი – შპს „მარცვლეულის ლოგისტიკის კომპანიის“ ბალანსზე რიცხული ქვემოთ მოყვანილი ავტოსატრანსპორტო საშუალებების ტექნომსახურება და შეკეთება (სერვისი – ახალი სათადარიგო ნაწილებით).

#	ავტომობილის დასახელება	გამოშვების წელი	რაოდენობა	პრეისკურანტის ღირებულება
1	Hyundai Santafe	2007	1	
2	Kia Sorento	2009	1	
3	Mitsubishi L-200 (Pickup)	2010	1	
პრეისკურანტის ჯამი:				

2.2. გასაწევი მომსახურების აღწერა

ა) მომსახურება უნდა განხორციელდეს მიმწოდებლისა და შემსყიდველის წარმომადგენლების მიერ თითოეულ კონკრეტულ შემთხვევაში ავტოსატრანსპორტო საშუალებების დათვალიერების აქტის შედგენის შედეგად. ავტოსატრანსპორტო საშუალებების ტექნომომსახურეობის (ახალი სათადარიგო ნაწილებით) შესყიდვისას, გასაწევი მომსახურეობის დეტალური აღწერა უნდა იყოს მოცემული შემსყიდველსა და მიმწოდებლის მიერ შედგენილი დათვალიერების აქტში (დეფექტურ აქტში).

ბ) მიმწოდებლის მიერ დეტალებისა და მომსახურების ფასების ცხრილში დაფიქსირებული ფასები იქნება მაქსიმალური, ხოლო ყოველ კონკრეტულ შემთხვევაში ტექნომომსახურება ახალი სათადარიგო ნაწილებით უნდა განხორციელდეს იმ დღისათვის მიმწოდებლის სერვისცენტრში დაფიქსირებული ფასით, რომელიც შეიძლება იყოს ნაკლები ფასების ცხრილში მითითებულ ფასებზე და არ უნდა აღემატებოდეს ფასების ცხრილში არსებულ ფასებს.

გ) მიმწოდებელსა და შემსყიდველის წარმომადგენლის მიერ დათვალიერების აქტის შედგენის შემთხვევაში ფასების ცხრილში არარსებული მომსახურების/საქონლის შესყიდვის საჭიროების შემთხვევაში მომსახურების/საქონლის ფასი დგინდება მხარეთა შორის შეთანხმებით, საბაზრო ფასის გათვალისწინებით, რაზედაც გაფორმდება ხელშეკრულების შესაბამისი დანართი. ასეთ შემთხვევაში პრეისკურანტში ავტოსატრანსპორტო საშუალების ტექნიკური მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.

დ) მიმწოდებელმა მომსახურების გაწევის პროცესში უნდა გამოიყენოს ახალი და არა მეორადი სათადარიგო ნაწილები.

ე) მიმწოდებლის მიერ განხორციელებულ მომსახურებაზე და შესაბამის სათადარიგო ნაწილებზე საგარანტიო ვადა უნდა მოცავდეს პერიოდს არანაკლებ 6 თვე (გარდა საცხებ-საპოხი მასალებისა, ფილტრებისა და სამუხრუჭე ხუნდებისა).

ვ) მიმწოდებელს ავტოსატრანსპორტო საშუალებების სერვისი (მომსახურება – ახალი სათადარიგო ნაწილებით) უნდა შეეძლოს ერთდროულად არანაკლებ 2 ერთეულ ავტოსატრანსპორტო საშუალებაზე.

ზ) მიმწოდებელმა შემსყიდველის ავტოსატრანსპორტო საშუალებებს უნდა მიაწოდოს პრიორიტეტი, რაც გულისხმობს მათ რიგგარეშე და დაუყოვნებლივ მომსახურებას.

თ) მიმწოდებელი ვალდებულია მიაწოდოს შემსყიდველს მოთხოვნილი მომსახურება/საქონელი დაკვეთის მიღებიდან არაუმეტეს 5 დღის ვადაში. თუ მომსახურება ეხება დეფიციტურ დეტალს ან სამღებრო-სათუნუქე სამუშაოებს, ვადა შეიძლება გაგრძელდეს მხარეთა შეთანხმებით.

ხელშეკრულების საერთო სავარაუდო ღირებულება - **ლარი**;

პრეისკურანტის სავარაუდო ღირებულება - **ლარი**.

ელექტრონული ვაჭრობის შედეგად პრეტენდენტის მიერ წარმოდგენილი პრეისკურანტის საერთო ფასის შემცირების შემთხვევაში, ფასთა კლება პროცენტულად და პროპორციულად უნდა აისახოს ყველა დასახელების მომსახურებაზე/საქონელზე.

3. მომსახურების გაწევის ადგილი და ვადა:

მომსახურება უნდა განხორციელდეს ქ. თბილისში, მიმწოდებლის სერვისცენტრ(ებ)ში,

ხელშეკრულების გაფორმებიდან - 2016 წლის 31 დეკემბრის

ჩათვლით პერიოდში.

4. მიღება-ჩაბარების გაფორმების წესი:

გაწეული მომსახურების მიღება-ჩაბარების აქტი ფორმდება ეტაპობრივად წერილობითი ფორმით, ორივე მხარის უფლებამოსილი წარმომადგენლების ხელმოწერით.

5. ანგარიშსწორების პირობები:

5.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

5.2. ანგარიშსწორება მოხდება უნაღდო ანგარიშსწორებით ლარში.

5.3. ანგარიშსწორება მოხდება ეტაპობრივად მიღება-ჩაბარების აქტის გაფორმებისა და საგადასახადო ანგარიშ-ფაქტურის წარმოდგენის შემდეგ.

5.4. საავანსო ანგარიშსწორება არ გამოიყენება.

6. პრეტენდენტის მიერ სისტემაში ასატვირთი მონაცემები:

6.1. რეკვიზიტები დანართი №1-ის შესაბამისად;

6.2. გასაწევი მომსახურების (ფასების ცხრილი) პრეისკურანტი დანართი №2-ის შესაბამისად;

6.3. ინფორმაცია პრეტენდენტის მიერ უკანასკნელი ორი წლის განმავლობაში გაწეული ანალოგიური მომსახურების შესახებ დამკვეთებისა და გაწეული მომსახურების ღირებულებების და წლების მითითებით დანართი №3-ის შესაბამისად

6.4. ინფორმაცია პრეტენდენტის სერვისცენტრისა და მისი ადგილმდებარეობის შესახებ (მატერიალურ - ტექნიკური ბაზის მითითებით).

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა, შესაძლებელია დასაბუთდეს ექსპერტიზის/აუდიტის დასკვნით, ან სხვა ისეთი დოკუმენტაციით, რომელიც დაადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

ხელშეკრულება სახელმწიფო შესყიდვის შესახებ #
(წინამდებარე ხელშეკრულება დეტალურად დაზუსტდება მიმწოდებლის
სატენდერო წინადადების შესაბამისად)

თბილისი

„____“ _____წ.

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) – „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე, შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების დამდები მხარეები

წინამდებარე ხელშეკრულება დადებულია:

ერთი მხრივ შპს „მარცვლეულის ლოგისტიკის კომპანიას“ (შემდგომში «შემსყიდველი»)

მდებარე ქ. თბილისი მარშალ გელოვანის გამზ. N6

მეორეს მხრივ _____ (შემდგომში „მიმწოდებელი“)

შორის. მდებარე _____

3. ხელშეკრულების საგანი

ხელშეკრულების საგანს წარმოადგენს შპს „მარცვლეულის ლოგისტიკის კომპანიის“ ბალანსზე რიცხული 3 ერთეული ავტოსატრანსპორტო საშუალების ტექნიკური მომსახურების და შეკეთების (CPVკოდი: 50110000) შესყიდვა გამარტივებული ელექტრონული ტენდერის საშუალებით (სატენდერო განცხადების #).

4. ხელშეკრულების ღირებულება

4.1. გასაწევი მომსახურების/საქონლის საერთო სავარაუდო ღირებულება შეადგენს ----- ლარს საქართველოს კანონმდებლობით დადგენილი შესაბამისი გადასახადების გათვალისწინებით.

4.2. ხელშეკრულების საბოლოო ღირებულება განისაზღვრება ფაქტიურად გაწეული მომსახურების ფარგლებში გაფორმებული მიღება-ჩაბარების აქტების შესაბამისად, მაგრამ არაუმეტეს ხელშეკრულების საერთო სავარაუდო ღირებულებისა.

4.3. გასაწევი მომსახურების/საქონლის ერთეულის ფასი მოცემულია დანართში, რომელიც ხელშეკრულებას თან ერთვის და წარმოადგენს მის განუყოფელ ნაწილს.

4.4. მიმწოდებლის მიერ ხელშეკრულების დანართში დაფიქსირებული ფასები არის მაქსიმალური, ხოლო ყოველ კონკრეტულ შემთხვევაში ტექნომომსახურება ახალი სათადარიგო ნაწილებით უნდა განხორციელდეს იმ დღისათვის მიმწოდებლის სერვისცენტრში დაფიქსირებული ფასით, რომელიც შეიძლება იყოს ნაკლები ხელშეკრულების დანართში არსებულ ფასებთან შედარებით და არ უნდა აღემატებოდეს მათ.

4.5. მიმწოდებელსა და შემსყიდველის წარმომადგენლის მიერ დათვალიერების აქტის შედგენის შემთხვევაში ხელშეკრულების დანართში არარსებული მომსახურების/საქონლის შესყიდვის საჭიროების შემთხვევაში მომსახურების/საქონლის ფასი დგინდება საბაზრო ფასის გათვალისწინებით რაზეც გაფორმდება შესაბამისი დანართი. (სახელშეკრულებო ღირებულების შეუცვლელად).

5. მხარეთა უფლება-მოვალეობანი

5.1. მიმწოდებელი ვალდებულია მომსახურება გასწიოს ეტაპობრივად, სატენდერო დოკუმენტაციით განსაზღვრული პირობებით, შემსყიდველის მოთხოვნის შესაბამისად, ხელშეკრულების გაფორმებიდან 2016 წლის 31 დეკემბრის ჩათვლით პერიოდში.

5.2. მიმწოდებელი პასუხისმგებელია გაწეული მომსახურების/საქონლის ხარისხსა და დროულობაზე. იგი ვალდებულია შემსყიდველის კუთვნილ ავტომობილებს მოემსახუროს ოპერატიულად და რიგგარეშე.

5.3. მიმწოდებელი ვალდებულია მიაწოდოს შემსყიდველს მოთხოვნილი მომსახურება/საქონელი დაკვეთის მიღებიდან არაუმეტეს 5 დღის ვადაში. თუ მომსახურება ეხება დეფიციტურ დეტალს ან სამღებრო-სათუნუქე სამუშაოებს, ვადა შეიძლება გაგრძელდეს მხარეთა შეთანხმებით.

5.4. მიმწოდებელმა მომსახურების გაწევის პროცესში უნდა გამოიყენოს ახალი და არა მეორადი სათადარიგო ნაწილები.

5.5. შემსყიდველი ორგანიზაცია ვალდებულია მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულების შემთხვევაში აუნაზღაუროს მას გაწეული მომსახურების ღირებულება.

5.6. შემსყიდველი არ აგებს პასუხს მიმწოდებლის მიერ მესამე პირებისათვის მიყენებულ ზიანზე ან ზარალზე.

5.7. მომსახურების/საქონლის მიწოდება უნდა განხორციელდეს მიმწოდებლისა და შემსყიდველის წარმომადგენლების მიერ თითოეულ კონკრეტულ შემთხვევაში ავტოსატრანსპორტო საშუალებების დათვალიერების აქტის შედგენის შედეგად. გასაწევი მომსახურების დეტალური აღწერა უნდა იყოს მოცემული შემსყიდველსა და მიმწოდებლის მიერ შედგენილი დათვალიერების (დეფექტურ) აქტში.

5.8. მიმწოდებელმა შემსყიდველის ავტოსატრანსპორტო საშუალებების უნდა მიაწოდოს პრიორიტეტი, რაც გულისხმობს მათ რიგგარეშე და დაუყოვნებლივ მომსახურებას.

6. მომსახურების მიღება-ჩაბარების წესი

6.1. მომსახურება გაწეული იქნება ეტაპობრივად, რაზედაც გაფორმდება შესაბამისი მიღება-ჩაბარების აქტები.

7. ხელშეკრულების შესრულების კონტროლი

7.1. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განხორციელებს ინსპექტირების ჯგუფი შემდეგი შემადგენლობით : -----.

7.2. მიმწოდებელი ვალდებულია საკუთარი სახსრებით თავად უზრუნველყოს ინსპექტირების შედეგად გამოვლენილი ხარვეზის გამოსწორება.

8. მომსახურების გაწევის პირობები, ხარისხი და გარანტია

8.1. მიმწოდებელი იძლევა გარანტიას, რომ მის მიერ გაწეული მომსახურება/საქონელი არ გამოავლენს ხარვეზებს, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს გამოვლენილი ხარვეზის გამოსწორება.

9. ანგარიშსწორება

9.1. ანგარიშსწორება მიმწოდებელთან განხორციელდება ლარებში.

9.2. ანგარიშსწორება განხორციელდება შესაბამისი მიღება-ჩაბარების აქტ(ებ)ის გაფორმებისა და საგადასახადო ანგარიშ-ფაქტურის წარმოდგენის შემდგომ.

9.3. ანგარიშსწორების ფორმა იქნება უნაღდო. გადარიცხვა მოხდება მიმწოდებლის საბანკო ანგარიშზე.

10. ფასები

10.1. წინამდებარე ხელშეკრულების მე-4 მუხლში დაფიქსირებული ფასი წარმოადგენს ხელშეკრულების ღირებულებით პარამეტრს, რომლის გაზრდა დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

11. ხელშეკრულებაში ცვლილებების შეტანა

11.1. ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

11.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. უფლებების გადაცემა

12.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

13. ფორს-მაჟორი

13.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

13.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

14. მხარეთა პასუხისმგებლობა ხელშეკრულების პირობების დარღვევისათვის

14.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში მხარეები პასუხს აგებენ საქართველოს მოქმედი კანონმდებლობის შესაბამისად.

14.2. ხელშეკრულებით ნაკისრი ვალდებულებების ვადაგადაცილებით შესრულების შემთხვევაში მიმწოდებელს დაეკისრება პირგასამტეხლოს გადახდა, - ყოველ ვადაგადაცილებულ დღეზე დათვალაიერების აქტის მიხედვით განსაზღვრული მომსახურების/საქონლის ღირებულების 1%-ის ოდენობით.

14.3. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

14.4. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, შემსყიდველს უფლება აქვს ცალმხრივად შეწყვიტოს ხელშეკრულება.

15. ხელშეკრულების შეწყვეტა

15.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

15.2. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ 5 დღით ადრე.

15.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

15.4. ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

15.5. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) თუ მიმწოდებლის მხრიდან ადგილი ექნება მის მიერ ნაკისრი ვალდებულებების შეუსრულებლობას ან არაჯეროვნად შესრულებას

გ) მხარეთა შეათამხმებით.

დ) საქართველოს კანონმდებლობით გათვალისწინებულ სხვა შემთხვევებში.

15.6. ამ მუხლის 15.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

16. დავების გადაწყვეტის წესი

16.1. ხელშეკრულების დამდები მხარეები თანხმდებიან მასზედ, რომ მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

16.2. თუ შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

17. სხვა პირობები

17.1. წინამდებარე ხელშეკრულება ძალაშია მხარეთა მიერ მისი ხელმოწერიდან და მოქმედებს 2016 1 თებერვლამდე.

17.2. ხელშეკრულება შედგენილია ქართულ ენაზე სამ ეგზემპლარად სამივეს აქვს თანაბარი იურიდიული ძალა, რომლის ორი პირი ინახება შემსყიდველთან ხოლო ერთი პირი მიმწოდებელთან.

შემსყიდველი:

მიმწოდებელი:

შპს „მარცვლეულის ლოგისტიკის

კომპანია“

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება: ბანკის

კოდი: ანგარიშსწორების

ანგარიში:

პრეტენდენტის წარმომადგენელი _____

ბ.ა.

(თანამდებობა, სახელი გვარი, ხელმოწერა)

#	შემსყიდველის დასახელება	ხელშეკრულების გაფორმების თარიღი	მომსახურების გაწევის პერიოდი	სახელშეკრულებო თანხა
1				
2				
3				
4				

პრეტენდენტის წარმომადგენელი _____

ბ.ა.

(თანამდებობა, სახელი გვარი, ხელმოწერა)